

Mensahe 2

Ang Dios, ang Tawo, ug si Satanas

Basahong Kasulatan: Job 1:6-12; 2:1-7; Mat. 12:26; Heb. 2:14; Rom. 16:20; Bug. 12:5, 7-11

I. Rekord ang tibuok Biblia sa mga butang bahin sa Dios, sa tawo, ug ni Satanas; busa, sa pagbasa nato sa Biblia, kinahanglan masayod ta dili lang sa mga butang bahin sa Dios ug sa tawo kondili sa mga butang sab bahin ni Satanas—Gen. 1:1, 26-28; 3:1, 4, 15; Isa. 14:12-14; Ezeq. 28:12-19:

- A. Manulonda ug dinihogang querubin si Satanas nga gilalang sa Dios sa wala pa Niya gilalang ang yuta; siya ang kinalabwan sa mga manulonda—vv. 12-15; Job 38:4-7:
 - 1. Si Satanas ang “Bituon sa Kabugason, anak sa kadlawon” (Isa. 14:12), ang usa sa unang mga manulonda nga gilalang sa Dios sa “kadlawon” sa uniberso, gitudlo sa Dios nga mahimong pangulo sa tanang manulonda (Ezeq. 28:14; Jud. 9).
 - 2. Gitudlo sa Dios ang dinihogang querubin nga magbuot sa uniberso sa wala pa si Adam (Luc. 4:6); ang dinihogang querubin maoy labing suod sa Dios, ug kay naa man niya ang pagkahari ug pagkasacerdote, siyay kinahabogag posisyon sa kabuhatan sa Dios (Ezeq. 28:13).
- B. Gipadayag sa Isaias 14:13-14 ug Ezequiel 28:15-18 ang pag-alsa ni Satanas batok sa Dios:
 - 1. Nialsa si Satanas batok sa Dios tungod sa garbo sa iyang kasingkasing; nagmapahitas-on ang iyang kasingkasing tungod sa iyang katahom—Isa. 14:13-14; Ezeq. 28:17.
 - 2. Ang tuyo ni Satanas pagpukan man sa pagbulot-an sa Dios ug pagtuboy sa iyang kaugalingon aron motupong sa Dios; sa pag-alsa ni Satanas batok sa Dios, gusto siya nga motupong sa Dios—Isa. 14:13.
- C. Tungod sa pag-alsa ni Satanas, nahimo siyang kabatok sa Dios, kaaway sa Dios—Zac. 3:1-2; Bug. 12:9; 20:2:
 - 1. Nagpasabot ang *Satanas* og “kabatok”; ingon nga kabatok sa Dios, nisupak si Satanas sa Dios—Job 1:7, 12; 2:1, 6; Bug. 20:2.
 - 2. Nagpasabot ang *kaaway* sa kaaway sa gawas sa gingharian sa Dios, samtang nagpasabot ang *kabatok* sa kaaway sa sulod sa gingharian sa Dios.
 - 3. Dili lang kaaway sa Dios si Satanas nga naa sa gawas sa Iyang gingharian kondili kabatok sab Niya sa sulod sa Iyang gingharian, ug nialsa batok sa Dios.

II. Nagpakita ang talan-awon sa Job 1 ug 2 sa duha ka sabotsabot nga gipahigayon sa langit kalabot ni Job—1:6-12; 2:1-7:

- A. Tungod sa mahigugmaong pagtagad sa Dios ni Job, nagpahigayon Siyag duha ka sabotsabot sa langit kalabot ni Job—Job 1:6; 2:1.
- B. Nangabot ang “mga anak sa Dios,” ang mga manulonda, aron mopakita sa atubangan ni Jehova, ug niabot sab si Satanas, ang kabatok, sa taliwala nila—1:6; 2:1; 38:7; itandi sa 1 Hari 22:19-23; Sal. 89:5-8:
 - 1. Human moalsa si Satanas batok sa Dios, gihukman ug gisentensyahan man ngani siya sa Dios—Isa. 14:12-15; Ezeq. 28:12-19.

2. Wala pa kuhaig katungod si Satanas nga mosulod sa presensya sa Dios— itandi sa Bug. 12:9.
- C. Sa kaalam ug pagkamagbubuot sa Dios wala Niya ipahamtang ang paghukom Niya ni Satanas; gihatagan hinuon Niya si Satanas og limitadong panahon sa pagbuhat aron matagbo ang negatibong panginahanglan sa pagtuman sa Iyang pamatigayon:
1. Dili makahangyo ug dili mohangyo ang Dios sa usa sa daghang maayo kaayong manulonda Niya aron mobuhat sa gikinahanglang buhaton sa pagdaot ni Job aron mahukasan siya sa tanan ug mapuno og Dios—Job 1:1, 8, 11-12; 2:3-7.
 2. Si Satanas ang bugtong-talagsaon sa uniberso nga makatuman ug motuman sa tuyo sa Dios nga hukasan si Job sa iyang katigayonan ug sa nakab-ot niya nga iya sa maayong pamatasan—v. 3.
 3. Nagpakita ang talan-awon sa mga capitulo 1 ug 2 nga nagpabiling gawasnon si Satanas sa tuyo nga magamit sa Dios isip batì nga himan sa pagpahamtang sa hilabihang pagbatok sa Dios sa Iyang mga hinigugma—itandi sa Luc. 22:31-32.

III. Dunay gingharian si Satanas, ang pagbulot-an sa kangitngitan—Mat. 12:26; Buh. 26:18; Col. 1:13:

- A. Si Satanas dunay pagbulot-an (Buh. 26:18) ug mga manulonda (Mat. 25:41), nga mga sakop niya ingon nga mga magbubuot, mga pagbulot-an, ug mga magbubuot-sa-kalibotan sa kangitngitan ning kalibotana; busa, duna siyay gingharian, ang pagbulot-an sa kangitngitan (Col. 1:13).
- B. Si Satanas ang magbubuot ning kalibotana ug ang magbubuot sa pagbulot-an sa kahanginan—Juan 12:31; Efe. 2:2:
1. *Ang espiritu* (v. 2), nga kaabay sa *pagbulot-an sa kahanginan*, nagpasabot sa hiniusang gahom, sa hiniusang pagbulot-an sa tanang daotang manulonda, nga si Satanas maoy magbubuot.
 2. Sa mga patay pa ta sa kalapasan ug kasal-anan (v. 1), naggawi ta uyon “sa panahon ning kalibotana” (v. 2), sa modernong hitsura, sa kasamtangang dagan, sa kalibotan, sa satanasnong sistema.
 3. Ang mga magbubuot, mga pagbulot-an, ug magbubuot-sa-kalibotan ning kangitngitan mao ang masupilong mga manulonda nga nisunod ni Satanas sa pag-alsa niya batok sa Dios ug maoy nagbuot karon sa kalangitan ibabaw sa kanasoran sa kalibotan—Dan. 10:20.
 4. Nagpakita kini nga ang yawa, si Satanas, dunay gingharian nga niini siyay kinalabwag katungdanan ug nailalom niya ang masupilong mga manulonda.

IV. Pinaagi sa pagpangalagad ni Ginoong Jesus dinhi sa yuta ug sa kamatayon Niya sa krus, nidaog Siya ni Satanas—1 Juan 3:8; Mat. 27:51-53; Col. 2:14-15; Heb. 2:14:

- A. Sa yutan-ong pagpangalagad Niya gipildi sa madaogong Cristo ang yawa ug gilaglag ang iyang mga buhat—Mat. 4:1-11; 1 Juan 3:8:
1. Aron matuman ni Ginoong Jesus ang Iyang pagpangalagad alang sa gingharian sa mga langit, dag-on gyod Niya ang kaaway sa Dios, ang yawa, nga si Satanas—Mat. 4:1, 11:
 - a. Buhaton gyod Niya kini ingon nga tawo; busa, nibarog Siya ingon nga tawo nga niatubang sa kaaway sa Dios—vv. 6-7.
 - b. Nilampos ang pagtintal sa yawa sa unang tawo, ni Adam; hingpit gyod siyang napakyas sa pagtintal niya sa ikaduhang tawo, ni Cristo—v. 11.

2. Sa pagpangalagad ni Ginoong Jesus dinhi sa yuta gilaglag Niya ang mga buhat sa yawa—1 Juan 3:8:
 - a. Sa 1 Juan 3:8 ang Griyegong pulong nga gihubad og “malaglag” mahubad sab og “mabungkag” o “matunaw.”
 - b. Tungod ning tuyoa gipadayag ang Anak sa Dios, aron mabungkag ug malaglag Niya ang masal-anong binuhatan sa yawa, sa ato pa, mahukman, pinaagi sa kamatayon Niya sa krus diha sa unod, ang sala nga gisugdan sa daotan; mapukan ang gahom sa sala, ang masal-anong kinaiya sa yawa; ug makuha ang sala ug mga sala—Rom. 8:3; Heb. 2:14; Juan 1:29.
- B. Sa pagkalansang sa krus sa madaogong Cristo gitambog Niya ang magbubuot ning kalibotana, gilaglag ang yawa, gihuboan ang mga magbubuot ug ang mga pagbulot-an, ug giwala ang kamatayon—12:31; Mat. 27:51; Heb. 2:14; Col. 2:15; 2 Tim. 1:10:
 1. Sa buhat ni Cristo sa krus, gitambog Niya ang magbubuot ning kalibotana ug gihukman ang kalibotan—Juan 12:31:
 - a. Gitambog ang magbubuot ning kalibotana sa dihang gitambog si Satanas sa buhat ni Cristo sa pagkamatay Niya; dungan niini, gihukman sab ang sistema sa kalibotan nga may kalabotan ni Satanas—1 Juan 5:19.
 - b. Nauyog ang sukaranan sa pag-alsa ni Satanas, ug nabungkag ang mga kuta sa yutan-ong gingharian ni Satanas—Mat. 27:51.
 2. Sa pagkalansang ni Cristo sa krus gilaglag Niya ang yawa—Heb. 2:14:
 - a. Sa versiculo 14 ang Griyegong pulong nga gihubad og “malaglag” mahubad sab og “makawang, mapawalay-pulos, mawala, mawagtang, mahanaw, masalibay.”
 - b. Sa pagka-tawo ni Cristo ug pinaagi sa buhat Niya didto sa krus, gilaglag Niya ang yawa—Juan 3:14.
 3. Sa buhat ni Cristo didto sa krus, gihuboan Niya ang mga magbubuot ug mga pagbulot-an sa mga manulonda, dayag silang gihimong talan-awon, ug gidaog sila sa Dios—Col. 2:15.
 4. Sa buhat ni Cristo didto sa krus, giwala Niya ang kamatayon, gihimo kining walay pulos, pinaagi sa Iyang kamatayon nga naglaglag-sa-yawa (Heb. 2:14) ug pagkabanhaw nga naglamoy-sa-kamatayon (1 Cor. 15:52-54)—2 Tim. 1:10.
- C. Pinaagi sa ebanghelyo sa gingharian, gipasakop sa Dios ang mga tawo sa pagbuot sa langitnong pagbulot-an aron mahimo silang gingharian Niya, nga gibutan sa Iyang pagbulot-an—Mat. 24:14; Bug. 1:5-6.

V. Isip mga magtutuo ni Cristo Jesus ug mga anak sa Dios, kat-onan gyod nato nga magmadaogon diha ni Cristo batok ni Satanas—Efe. 6:12; 1 Ped. 5:8-9; 1 Juan 5:18:

- A. Dili gyod unta ta maignorante sa mga laraw ni Satanas—2 Cor. 2:11:
 1. Ang Griyegong pulong nga gihubad og “mga laraw” nagpasabot og “mga plano, mga paagi, mga tuyo, mga limbong, mga tinguha, mga tumong.”
 2. Nagpaluyo ang daotan, si Satanas, sa tanang butang ug nagbuhat diha sa tanang butang, bisan sa iglesiahanon kinabuhi.
- B. Isul-ob gyod nato ang tibuok hinagiban sa Dios aron makabarog ta batok sa mga laraw sa yawa—Efe. 6:11:
 1. Dili lang dunay daotang mga tuyo ang yawa kondili malalangon sab nga mga laraw aron matuman ang iyang mga tuyo; kining mga larawa mao ang daotang mga paagi niya.

2. Makapabarog nato batok sa mga laraw sa yawa ang pagsul-ob nato sa tibuok hinagiban sa Dios—v. 11.
 3. Ang usa sa mga laraw ni Satanas batok sa mga balaan sa Labing Taas Uyamot mao ang pagpaluya kanila (Dan. 7:21, 25); makita ngani nato nga gipaluya ta ni Satanas, maato ang gahom nga makapabarog ug makapabatok nato sa makapaluyang mga taktika niya.
- C. Magtukaw gyod ta batok sa atong kabatok, sa yawa, nga “sama sa nagngulob nga leon, naglibotlibot, nangitag tukbonon”—1 Ped. 5:8:
1. Ang pagtukaw pagkamabinantayon man sama sa pakiggubat, sama sa mga sundalong naa sa unahan sa panggubatan.
 2. Ang pulong *magtukaw* sa 1 Pedro 5:8 nagpasabot og pakig-away; naa ta sa pakig-away, ug magmabinantayon gyod ta.
 3. Kon mabinantayon ta, makasukol ta sa atong kabatok, magmalig-on sa atong pagtuo—v. 9:
 - a. Ang mosukol dili man mosukol o makigbisog batok sa unsa kondili lig-ong mobarog, samag dakong bato, sa sukaranan sa atong pagtuo atubangan sa nagngulob nga yawa.
 - b. Nagpasabot ang *inyong pagtuo* sa 1 Pedro 5:9 sa subjectibong pagtuo sa mga magtutuo, sa ilang pagtuo sa nanalipod nga gahom sa Dios ug sa mahigugmaong pagtagad Niya.
- D. Ang labing maayong paagi nga makadaog ta ni Satanas pagkinabuhi man diha sa nasagol nga espiritu—1 Cor. 6:17; 1 Juan 5:18:
1. Usa ra ka dapit ang dili masudlan ni Satanas—ang atong espiritu—2 Tim. 4:22.
 2. Naa ba ta o wala sa pagbulot-an ni Satanas dili man matino sa mga butang nga gibuhat nato; matino hinuon kini kon naa ba ta sa espiritu o sa unod—Gal. 5:16-17.
 3. Basta magpabilin ta sa nasagol nga espiritu, maampingan ta, ug dili gyod makahilabot nato si Satanas—1 Cor. 6:17; 1 Juan 5:4-5, 18-21.

VI. “Ang Dios sa kalinaw magdugmok ni Satanas sa madali ilalom sa inyong mga tiil”—Rom. 16:20:

- A. Ang pagdugmok kang Satanas may kalabotan sa iglesihanong kinabuhi—ang labing kusganong paagi nga madaog sa Dios si Satanas—vv. 20, 1, 16.
- B. Dinaghan (plural) ang Griyegong pulong nga gihubad og “inyong” sa Roma 16:20; nagpasabot kini sa Lawas—12:5:
 1. Wala maghisgot ang Roma 16 sa Lawas sa unibersoanong bahin kondili sa lokal ug praktikal nga pagpadayag sa Lawas.
 2. May kalabotan sa Lawas, dili sa tinagsa, ang pagbatok kang Satanas.
 3. Madugmok lang si Satanas ilalom sa mga tiil sa praktikal nga pagpadayag sa Lawas diha sa mga iglesia lokal—12:5; 16:1, 4, 16.
 4. Madugmok lang si Satanas ilalom sa atong mga tiil kon duna tay hustong iglesia lokal isip praktikal nga pagpadayag sa Lawas—v. 20.
- C. Makahuloganon nga ang nagdugmok ni Satanas ilalom sa atong mga tiil mao ang Dios sa kalinaw—v. 20:
 1. Ang Dios sa kalinaw maoy Tigbalaan; magdalag kalinaw ang pagbalaan Niya—1 Tes. 5:23.
 2. Kon bug-os na tang mabalaan Niya gikan sa sulod, naa tay kalinaw uban Niya ug sa tawo sa tanang bahin—v. 13; Rom. 6:19, 22; Heb. 13:12.
 3. Nagbantay, nagpahalunag bantay, sa atong kasingkasing ug sa atong mga hunahuna ang kalinaw sa Dios kay nagpatrolya man ang Dios sa kalinaw

atubangan sa atong kasingkasing ug mga hunahuna diha ni Cristo, nagpakalma ug naghimo natong malinawon—Fil. 4:7.

VII. Sa malalin na ang batang-lalaki ngadto sa trono sa Dios, dunay gubat sa langit, itambog si Satanas ug ang iyang mga manulonda sa yuta, ug ipadayag ang gingharian sa Dios—Bug. 12:5, 7-11:

- A. Hinimo ang batang-lalaki sa mga mananaog, nga nagbarog tungod ug alang sa iglesia, nagbarog sa posisyon nga angay barogan sa tibuok iglesia, ug nagbuhat sa buhat sa iglesia—2:7, 11; 12:5:
1. Kanunayng nakig-away sa kaaway sa Dios nga si Satanas ang batang-lalaki, dinhi sa yuta.
 2. Nagpaabot ang langit sa pag-abot sa batang-lalaki, sa mga mananaog, aron masugdan ang gubat nga motambog ni Satanas gikan sa langit:
 - a. Ang pagpakiggubat sa madaogong mga magtutuo batok ni Satanas, sa pagkatinuod pagpahamtang man sa paghukom sa Ginoo kaniya—Juan 12:31.
 - b. Sa kaulahian, tungod sa pagpakig-away nila, itambog si Satanas gikan sa langit—Bug. 12:8-9.
- B. Ang yawa, ang tigsumbong, nagsumbong karon sa mga magtutuo atubangan sa Dios adlaw ug gabii, apan gidaog siya sa madaogong mga magtutuo nga maoy nag-umol sa batang-lalaki ug gisupak ug gibutangbutangan sa kaaway sa Dios, nga si Satanas—vv. 10-11:
1. Gidaog nila siya “tungod sa dugo sa Cordero”—v. 11a:
 - a. Gitubag sa dugo sa Cordero, nga alang sa pagtubos kanato, atubangan sa Dios ang tanang sumbong sa yawa batok nato ug nagpadaog nato kaniya.
 - b. Iaplikar gyod nato kining dugoa sa dihang mabati nato ang pangakusar sa yawa—Rom. 3:25; 1 Juan 1:7.
 2. Gidaog nila siya “tungod sa pulong sa ilang panghimatuod”—Bug. 12:11b:
 - a. Ang pulong sa ilang panghimatuod mao ang ilang pulong nga nanghimatuod nga gihukman na sa Ginoo ang yawa—Juan 12:31; Heb. 2:14.
 - b. Mabati ngani nato ang pangakusar sa yawa, ipahayag gyod nato nga gidaog na siya sa Ginoo.
 3. Wala higugmaa sa mga mananaog ang ilang kinabuhi-sa-kalag—Bug. 12:11c:
 - a. Ang dili paghigugma sa atong kinabuhi-sa-kalag maoy basihanang nga makadaog ta ni Satanas.
 - b. Ang dili paghigugma sa atong kinabuhi-sa-kalag nagpasabot nga andam tang mobiya niini ug dili magtagad niini—Mar. 8:34-35.
 - c. Usa ra ka klaseng mga tawo ang gikahadlokang ni Satanas—kadtong wala mahigugma sa ilang kaugalingong kinabuhi-sa-kalag—Bug. 12:11.
- C. May kalabotan ang batang-lalaki sa labing importanteng iya-sa-dispensasyong lihok sa Dios—Mat. 6:9-10; Bug. 11:15; 12:10:
1. Gustong taposon sa Dios kining panahona ug ipadangat ang panahon sa gingharian, ug alang niini batonan gyod Niya ang batang-lalaki ingon nga iya-sa-dispensasyong instrumento Niya—v. 5.
 2. Magtapos sa panahon sa iglesia ug magpasugod sa panahon sa gingharian ang paglalalin sa batang-lalaki—vv. 5, 10.
 3. Ang paglalalin sa batang-lalaki ngadto sa trono sa Dios, ang pagtambog kang Satanas nganhi sa yuta, ug ang pagpahayag didto sa langit nagtimaan nga ipadangat sa batang-lalaki ang gingharian nganhi sa yuta; kini ang kinadak-ang iya-sa-dispensasyong lihok sa Dios—vv. 5, 9-10; 11:15.